



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 41. Quid de Capellaniis sit notandum.

urn:nbn:de:hbz:466:1-42600

sito iam matrimonio cessat finis intrinsecus talium Præbendarum, cùm etiam cesset coelibatus, cessante autem fine intrinseco Præbendæ in aliquo subjecto, hoc ipso fine ulla sententia vel declaratio est talis persona inhabilis & privata, ut dictum est de Clerico uxorato, ergo. 3. Si talis fœmina non est per matrimonium facta inhabilis, poterit non tantum uno anno sed totâ vitâ retinere occultato matrimonio, poterunt & reliquæ ex simili causa, hoc autem nemo concedet, ergo. Unde,

Respondeo ad 1. Dato, quod obligatio coelibatus non sit ex statuto in conscientia obligante, attamen est ex fine intrinseco talium præbendarum, quo deficiente persona non manet habilis ad possidendum, adeoque de jure naturæ resultat in conscientia obligatio se habendi velut privatam. *Ad 2.* N. cons., quia fornicaria occulta non fit inhabilis, nam posset primò admitti ad talem Præbendam; & in ea non cessat finis Præbendæ, cùm maneat cœlebs, apta honestè educari usquedum nubat, si velit. *Ad 3.* N. conseq., quia fornicatio est crimen, cui respondet poena, quam non tenetur quis in seipso exequi, ordinariè saltem: matrimonium non est crimen, sed tantum inducit inhabilitatem, ad quam non præquiritur sententia vel declaratio. *Ad 4.* Do antec. & n. conseq., quia cum matrimonio non stat finis intrinsecus talium Præbendarum, etiam dato, quod pro saecularibus fundatæ sint, quod tamen non est semper, sed saepè primitus fuerunt fundationes Religiosarum.

234 *Q. 41. Quid de Capellaniis sit notandum. R. seqq.*

§. I. Capella dicitur à cappa, quia erat certum genus tegumenti seu tentorii, sub quo Francorum Reges olim in campo habebant sua divina; nunc sumi-

Iamit pro Oratorio vel aedicula templo alicui annexa aut in templo interclusa cancellis, in qua eriguntur altare: & cura regendi talem Capellam dicitur Capellania, cui autem cura illa committitur, dicitur Capellanus, *Az.* p. 2. l. 3. c. 8. q. 2. Unde etiam dici posset Sacellanus, quia ipsi talis sacra cella si-
ve sacellum committitur; sed in his partibus obtinuit usus, ut per Sacellum intelligatur aliquis, qui Parochum juvat in cura animarum, quamvis nulla Capella vel altare ipsi specialiter committatur.

§. II. Capellania tum tantum est beneficium, si 235
auctoritate Episcopi sit creata & dotata, *Gare.* p. I.
c. 2. n. 102. *Corr.* 1. 1. n. 285.; aliás est quoddam ve-
luti legatum relictum cum obligatione alia onera
præstandi possetque concedi non tonsurato, infan-
tibus aut etiam foeminis secundum voluntatem fun-
datoris, *Luca* de benef. d. 8. n. 18. & ad *Trid.* d. 24.
n. 10. Porro signum est non esse beneficium sed Ca-
pellaniam pure laicam, si semper conferatur à Pa-
tronō laico absque auctoritate Episcopi vel Ecclesiæ,
Castrap. t. 13. d. 1. p. 6. Esetque absque Simonia
vendibilis, non quidem Capellania, sed talis Capella
secundum æstimationem materialium, *Lott.* l. 2. q.
4. à n. 14. Poterit tamen ejusmodi Capellania laica,
auctoritate Episcopi erigi in beneficium, dummodo
fundator expressè aliter non voluerit, hoc enim &
ipsi & Ecclesiæ est favorabilius; censetur autem ali-
ter voluisse, si ipsemet vivens posuerit Capellum
non requisito Ordinario: Quod si voluerit esse Ec-
clesiasticam, ad Ordinarium, per se loquendo, spe-
ctat institutio, præsentatio autem sola ad fundato-
rem vel patronum ab eo designatum; in dubio ve-
rò Capellania præsumitur esse beneficium, *Barb.* de
jure Eccl. l. 3. c. 5. n. 1

¶. III. Capellania laica non obligat ad Horas, 236
I nec

nec potest esse titulus Ordinationis, etiamsi collator peteret aliquem desuper ordinari, cum non sit beneficium, & Capellanus semper liberè amoverti possit: è contrà Capellaniæ Ecclesiasticae, quæ solent soli Clericis 14. annorum conferri, quando perpetuæ sunt, habentque sufficientes proventus, possunt esse titulus Ordinationis.

237 §. IV. Si fundator noluerit, Ordinarius non debet visitare Capellaniam tam Ecclesiasticam quam laicam; si tamen de hoc nulla mentio est facta, Ordinarius poterit visitare utramque, quamvis visitatio esset etiam alicui alteri commissa, quia est opus pi- um, à cuius inspectione non ideo excluditur Ordinarius, quod etiam aliis designetur inspecto, cum id jure suo competit Ordinario.

238 §. V. Capellanus laicus non tenetur ad subsidium, quod sœpe imponitur super proventus Ecclesiasticos, non enim habet beneficium Ecclesiasticum. Hæc aliaque plura de Capellaniis videri possunt apud AA. citatos & apud Leur. p. 1. q. 85. & seqq.

239 Q. 42. *Quid circa Vicarias fit notandum. R. Seqq.*

§. I. Vicaria dicitur à vices gerendo, estque constitutio alicujus ad gerendum officium beneficiale alterius. Quod si constituatur tantum ad tempus aut ad beneplacitum constituentis, dicitur Vicaria temporalis; si constituatur auctoritate Ordinarii in perpetuum, maximè pro cura simul administranda, dicitur perpetua, & ei deserviens dicitur Vicarius perpetuus, & sœpe vocatur etiam Rector, non quidem Ecclesiæ, sed curæ animarum, Barb. de jure Eccl. l. 3. c. 6. n. 26. Lott. l. 1. q. 33. n. 110. Dantur tamen etiam Vicariæ non curatæ; quæ autem in Ecclesiis parochialibus sunt perpetuae & curatæ, requirunt Sacerdotium ac eandem statem, uti alia be-

nef.